

VENDBURIME DHE ZONA TË LIRA, TË CILAT MUND T'U OFROHEN INVESTITORËVE VENDAS OSE TË HUAJ PËR AKTIVITET MINERAR

Nga të dhënat që disponon AKBN, deri më 31.07.2008, vendburime dhe zona të lira, të cilat mund të jepen për shfrytëzim ose zbulim, në disa nga mineralet kryesorë, janë:

1. Për mineralin e Fe-Ni dhe Ni-Si

- Miniera e Fe-Ni Bushtricë, Traverbangu i Bushtricës, Miniera e Fe-Ni Xixillas dhe pjesa e poshtme e Minierës Skroskë, në kufi me Xixillas.
Ky grup mineralesh mund të jepet së bashku, mbasi edhe hapja është e përqëndruar tek Traverbangu i Bushtricës.
- Miniera e Fe-Ni Prrenjas, për të cilën tek ne nuk ka asnjë formacion apo shkresë të ardhur për të bërë akt-verifikim.
- Zona Kukës-Krumë, zonë në të cilën nga punimet gjeologo-kërkuese, të kryera para 30-35 vitesh, është fiksuar dalja në sipërfaqe e Ni-Si. Kjo duket zonë perspektive dhe mund t'u ofrohet mbi bazën e një studimi, një ose disa kompanive për zbulim. Mbas periudhës së zbulimit dhe llogaritjes së rezervave, mund të jepen leje shfrytëzimi.
- Për vendburimet si Guri i Kuq, Bitinckë (nëntokë), Trull dhe Mamëz, ju dispononi informacionet tona mbi ecurinë e investimeve nga kompanitë e licensuara në këto vendburime. Është në kompetencën tuaj të vendosni më tej, në se do të vazhdohet kështu apo jo.

2. Për mineralin e kromit

- Minierat e Kalimashit 1, 2, 3 dhe Përroi i Batrës, në gjithë sipërfaqen e tyre janë të mbuluara nga leja e zbulimit Nr.1125, datë 04.01.2008.
- Miniera e Kromit Vlahën, pjesa poshtë Horizontit +650, është e lirë për t'u ofruar për leje shfrytëzimi.

3. Për mineralin e bakrit

- Miniera e Karmës, në se është e lirë nga konçesioni i Kompanisë "BERALB", mund t'u ofrohet kompanive të interesuara. Për këtë minierë, sipas marrëveshjes konçesionare, "BERALB" duhet të ketë dërguar në Ministri përgjigje.

Në se ka interes, mund të ofrohen fosforite, kripa e gurit, qymyre, etj. të cilat janë të lira.